



Broj: 02-16-2392/24

Datum: 05.07.2024. godine

Parlament Federacije BiH
Predstavnički / Zastupnički dom
Hamdije Kreševljakovića br.3
71 000 Sarajevo
n/r Dragan Mioković, Predsjedavajući

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		09-07-2024	
Org. jed.	Broj	Priloga	Vrijednost
05/1	-02-	379	124

PREDMET: Odgovor na pitanje zastupnika Admira Čavalića; dostavlja se

Poštovani,

Općina Sanski Most je 04.07.2024. godine zaprimila poslaničko pitanje g-dina Admira Čavalića, zastupnika u Predstavničkom domu Parlamenta Federacije BiH u kojem se traži odgovor zašto je Općina Sanski Most prošle godine ukinula mjeru zabrane rada nedjeljom za trgovačke objekte.

S tim u vezi, obaviještavamo Vas da je Općinsko vijeće Sanski Most na 3. sjednici održanoj dana 10.04.2021. godine donijelo Odluku o izmjenama i dopunama Odluke o utvrđivanju radnog vremena u ugostiteljskoj i turističkoj djelatnosti, djelatnosti obrta i srodnih djelatnosti, trgovinskoj djelatnosti, zabavnih igara i igara na sreću na području općine Sanski Most ("Službeni glasnik općine Sanski Most", broj: 03/21) po kojoj je rad trgovačkim objektima nedjeljom zabranjen.

Odluka je donesena svojevrijem od strane Općinskog vijeća bez konsultacija sa lokalnim privrednim subjektima koji su registrirani za obavljanje trgovačke djelatnosti odnosno Udruženjem privrednika Sanski Most, koji su negodovali nakon usvajanja Odluke, a donesena je i u suprotnosti sa članom 130. Poslovnika o radu Općinskog vijeća Sanski Most ("Službeni glasnik Općine Sanski Most", br. 4/17), gdje je definirano da se inicijativa za donošenje akta Općinskog vijeća dostavlja Općinskom načelniku na razmatranje.

Na zahtjev Službe za razvoj, poduzetništvo i resurse u kojem se traži tumačenje zakonitosti donošenja navedene Odluke, dana 14.09.2021. godine Federalno ministarstvo trgovine, obratilo se Općinskom vijeću Sanski Most Zahtjevom za preispitivanje Odluke o izmjenama i dopunama Odluke o utvrđivanju radnog vremena u ugostiteljskoj i turističkoj djelatnosti, djelatnosti obrta i srodnih djelatnosti, trgovinskoj djelatnosti, zabavnih igara i igara na sreću na području općine Sanski Most broj: 01-02-439/21 od 06.09.2021. godine.

U navedenom zahtjevu navodi se da, konkretno, kada je u pitanju član 24. Zakona o unutrašnjoj trgovini ("Službene novine Federacije BiH", broj: 40/10 i 79/17), intencija navedene odredbe je da se radno vrijeme i raspored dnevnog i sedmičnog radnog vremena trgovačkih objekata utvrđuje propisom nadležnog općinskog, odnosno gradskog organa, na način da se utvrdi minimalno radno vrijeme u kojem trgovine moraju biti otvorene, radi zadovoljavanja potreba građana, te da se tim odlukama nadležnog organa ne ograničavaju poduzetnička prava i slobode, odnosno da se takvim propisom ne narušava jednakost među poduzetnicima.

(Član 24

1) Radno vrijeme i raspored dnevnog i sedmičnog radnog vremena prodajnih objekata, radno vrijeme u dane državnih praznika i neradnih dana u kojima je trgovac dužan poslovati, te radno vrijeme za tržnice, sajmove, izložbe i druge povremene načine obavljanja trgovine utvrđuje nadležni organ.

2) Trgovac je dužan utvrditi radno vrijeme prodajnog objekta i drugog oblika trgovine u skladu sa ovim zakonom vodeći računa o broju zaposlenih radnika i poštivanju njihovih prava uređenih Zakonom o radu, drugim radno-pravnim propisima, kolektivnim ugovorom i ugovorom o radu.

3) Trgovac je dužan na vidnom mjestu istaći radno vrijeme, raspored dnevnog i sedmičnog radnog vremena, radno vrijeme u dane državnih praznika i neradnih dana, radno vrijeme povremenog načina obavljanja trgovine i pridržavati se tog radnog vremena.)

U istom zahtjevu se navodi da općinski, odnosno gradski organi **ne mogu donijeti odluku o radnom vremenu trgovina na području svoje općine ili grada kojim bi zabranili rad trgovinama nedjeljom** ili bilo kojim drugim danom u sedmici, budući da isto nije u skladu sa Zakonom o unutrašnjoj trgovini te da nije u skladu sa osnovnim načelom da se trgovina obavlja slobodno i pod jednakim uvjetima na tržištu, na način da se ne spriječava, ne ograničava i ne narušava tržišna konkurencija.

Pored toga, Služba za razvoj, poduzetništvo i resurse u prethodnom periodu provela je anketiranje privrednih subjekata trgovačke djelatnosti o radnom vremenu, a nakon analize provedene ankete došla do podatka da 54,84% ispitanih lica koja obavljaju trgovinsku djelatnost nisu za potpunu zabranu rada nedjeljom, te da nisu za ograničenje radnog vremena radnim danima do 20h, a većina smatra da radno vrijeme trebalo ograničiti do 22:00 sata svim danima osim nedjelje.

Obzirom da je Federalno ministarstvo trgovine podnijelo zahtjev za ukidanje ove Odluke, te razmatrajući analizu provedene ankete o stavovima privrednih subjekata trgovačke djelatnosti o radnom vremenu, Općinsko vijeće Sanski Most je na svojoj 25. sjednici od 25.05.2023. donijelo Odluku o stavljanju van snage Odluke o izmjenama i dopunama Odluke o utvrđivanju radnog vremena u ugostiteljskoj i turističkoj djelatnosti, djelatnosti obrta i srodnih djelatnosti, trgovinskoj djelatnosti, zabavnih igara i igara na sreću na području općine Sanski Most, čime je ukinuta zabrana rada nedjeljom za trgovačke subjekte na području Sanskog Mosta.

S poštovanjem!

Obradio: Amer Mezetović
Dostavljeno:

- ① Naslovu
2. Dosije
3. a/a



Po ovlaštenju
POMOĆNIK NAČELNIKA

Mevlida Deumić, dipl.ing.d.i.

Broj: 13/04-02-3-956-1/24
Sarajevo, 08.07.2024. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
ZASTUPNIČKI/PREDSTAVNIČKI DOM
Predsjedavajući/ Predsjedatelj

n/p Dragan Mioković, predsjedavajući/ predsjedatelj

PREDMET: Odgovor na zastupničko pitanje, dostavlja se

VEZA: Vaš akt broj: 05/1-02-399/24 od 27.06.2024. godine

Poštovani,

Vašim aktom, broj i datum kao u vezi, dostavili ste Poreznoj upravi Federacije BiH zastupničko pitanje koje je zastupnik Admir Čavalić postavio na 12. redovitoj sjednici Zastupničkog doma Parlamenta Federacije BiH održanoj 26.06.2024. godine, radi davanja odgovora iz nadležnosti Porezne uprave Federacije BiH.


Shodno prednjem, iz segmenta nadležnosti Porezne uprave Federacije BiH, u prilogu akta dostavljamo odgovor na postavljeno zastupničko pitanje.

S poštovanjem,

Prilog: Odgovor na zastupničko pitanje

Dostaviti:

1. Naslovu
2. U spis
3. a/a


DIREKTOR
Mr. sci. Šerif Isović

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno:	09-07-2024		
Org. jed.	Broj	Priloga	Vrijednost
05/1	-02-	399	124

Broj: 13/04-02-3-956-1/24
Sarajevo, 08.07.2024. godine

N/r gosp. Admir Čavalić, zastupnik

PREDMET: Odgovor na zastupničko pitanje gosp. Admira Čavalića – zastupnika u
Zastupničkom domu Parlamenta Federacije Bosne i Hercegovine

Poštovani,

Porezna uprava Federacije BiH – Središnji ured Sarajevo zaprimila je akt Parlamenta Federacije BiH, Zastupnički/Predstavnički dom broj: 05/1-02-399/24 od 27.06.2024. godine, kojim se od Porezne uprave Federacije BiH traži odgovor na Vaše sljedeće zastupničko pitanje:

- „1. Koji su konkretni koraci preduzeti u implementaciji navedenih protokola o saradnji između Porezne uprave Federacije BiH i kantonalnih ministarstava unutrašnjih poslova?
2. Kako se na terenu provode akcije kontrole u vezi s učešćem maloljetnika u igrama na sreću, s obzirom na to da je Porezna uprava navela ograničene kapacitete inspektora u odnosu na broj pravnih lica i poslovnih jedinica priređivača igara na sreću?
3. Molim za podatke o broju provedenih inspekcijskih nadzora i izdatih prekršajnih naloga povezanih s učešćem maloljetnika u igrama na sreću, od stupanja na snagu aktualnog Zakona o igrama na sreću FBiH.“

U vezi traženog, iz segmenta nadležnosti Porezne uprave Federacije BiH, dostavljamo sljedeći odgovor:

1. S ciljem suzbijanja učešća maloljetnika u igrama na sreću Porezna uprava Federacije BiH je u mjesecu oktobru 2021. godine, dostavila svim kantonalnim ministarstvima unutrašnjih poslova zahtjev za saradnju u ovom segmentu. Zahtjevom se tražilo da policijski službenici, prilikom obavljanja redovnih aktivnosti na terenu (pozorničko patrolne djelatnosti) izvrše provjere, te po potrebi i identifikaciju lica/učesnike igara na sreću, a posebno u slučajevima gdje postoje indicije da se u prostorijama nalaze maloljetna lica, te o navedenom dostave povratnu informaciju Poreznoj upravi Federacije BiH.

U dosadašnjem periodu Porezna uprava Federacije BiH je zaprimila samo jednu povratnu informaciju, i to od Ministarstva unutrašnjih poslova Srednjobosanskog kantona u mjesecu aprilu 2022. godine. U skladu sa dostavljenom informacijom nadležni Odsjek za inspekcijski nadzor je naknadno izvršio kontrolu poslovne jedinice sportske kladionice, te nisu utvrđene nepravilnosti.

2. Porezna uprava Federacije BiH, prilikom prikupljanja informacija, kao i samog provođenja inspekcijskih nadzora poreznih obveznika, stavlja akcenat na nadležnosti u postupanju date Zakonom o Poreznoj upravi Federacije BiH, odnosno

utvrđivanje poreznih obaveza, te obaveza koje se odnose na doprinose, takse, posebne naknade, članarine i novčane kazne. Takođe, prilikom provođenja brzih kontrola/djelimičnih inspeksijskih nadzora, fokus je na provjeri poštivanja zakonitosti u oblasti posjedovanja odobrenja za rad, uposlenih radnika, evidentiranja prometa putem fiskalnih uređaja i kontrola podnesenih poreznih prijava, te kontrola ispunjavanje prostornih, tehničkih i drugih uslova. Također u predmetnim kontrolama inspektori vrše provjeru poštivanja člana 5. i 88. Zakona o igrama na sreću („Službene novine Federacije BiH“, broj: 48/15 i 60/15-ispravka), a kojim je propisana zabrana klađenja licima mlađim od 18 godina.

3. Prema podacima iz Evidencije o registru novčanih kazni i prekršajnoj evidenciji, u periodu od donošenja Zakona o igrama na sreću Porezna uprava Federacije BiH je zbog utvrđene nepravilnosti učešća maloljetnika u igrama na sreću, izdala četiri prekršajne sankcije u skladu sa članom 129. stav 1. tačka 12. Zakona, a ukupan iznos izrečenih prekršajnih sankcija je 20.500,00 KM.

Ponovo napominjemo, da od donošenja novog Zakona o igrama na sreću u Poreznoj upravi Federacije BiH nisu sistematizovana radna mjesta (porezni inspektori koji su specijalizovani za ovu oblast), kao ni posebna organizaciona jedinica u čijoj je nadležnosti kontrola priređivanja igara na sreću. S obzirom da se radi o kompleksnoj oblasti, a uzevši u obzir rješenje u poreznim administracijama u okruženju i šire gdje za ovu vrstu djelatnosti postoje posebni sektori unutar poreznih uprava, pa čak i posebne agencije, neophodno je osnivanje agencije ili posebne organizacione jedinice u ovom segmentu, što je i predviđeno nacrtom novog Pravilnika o unutrašnjoj organizaciji Porezne uprave Federacije BiH.

S poštovanjem,

Dostaviti:

1. Naslovu
2. U spis
3. a/a



Broj: 01-03.1-5230-1/24-AP

Datum: 01.07.2024. godine

Za: **Parlament Federacije Bosne i Hercegovine
Predstavnički/Zastupnički dom**

Adresa: Hamdije Kreševljakovića br. 3
71000 Sarajevo

Za: **Vlada Federacije Bosne i Hercegovine
Ured tajnika**

Adresa: Hamdije Čemerlića br. 2
71000 Sarajevo

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 09-07-2024			
Org. jed.	Broj	Priloga	Vrijednost
05/1	-02-	305	124

Predmet: ODGOVOR NA ZASTUPNIČKO PITANJE – ADMIR ČAVALIĆ

Poštovani,

Dobili smo Dopis broj 05/1-02-305/24 sa zastupničkim pitanjem zastupnika Čavalić Admira koje je postavio na 11. redovitoj sjednici Zastupničkog doma Parlamenta Federacije Bosne i Hercegovine održanoj 28.05.2024. godine, te Vam na isti dostavljamo odgovor.

Javno preduzeće Ceste Federacije BiH d.o.o. Sarajevo pravni je sljedbenik Javnog preduzeća Direkcija cesta Federacije BiH d.o.o., odnosno Direkcije cesta F BiH d.o.o. Na temelju Zakona o cestama Federacije BiH („Službene novine F BiH“, br. 6/02 i 18/02), u oktobru 2002. godine osnovana je Direkcija cesta Federacije BiH d.o.o., kojoj je Vlada FBiH povjerila na **korištenje i upravljanje magistralnu cestovnu infrastrukturu u Federaciji BiH.**

JP Ceste Federacije BiH d.o.o. se financira iz javnih prihoda, kreditnih sredstava međunarodnih finansijskih institucija, Budžeta Federacije i sufinansiranja sa drugim nivoima vlasti, te na osnovu toga se planiraju ulaganja sredstava u cestovnu infrastrukturu.

Najznačajniji prihod se ostvaruje kao **naknada od nafte i naftnih derivata** i iznosi oko 65% prikupljenih javnih prihoda. Realizuje se na osnovu Zakona o akcizama u Bosni i Hercegovini („Službeni glasnik BiH“, br. 49/09, 49/14 i 60/14) i Zakona o izmjenama i dopunama Zakona o akcizama u BiH („Službeni glasnik BiH“, br.91/17.). Putarina, kao vrsta indirektnog poreza, plaća se na naftne derivate u iznosu od 0,15 KM/ l za puteve na Jedinstven račun Uprave za indirektno oporezivanje. Na osnovu Pravilnika o izračunavanju koeficijenta doznačavanja sredstava entitetima i Distriktu Brčko, te Zakona o pripadnosti javnih prihoda u Federaciji BiH, propisana je raspodjela i pripadnost javnih prihoda. JP Ceste F BiH, zajedno sa kantonalnim direkcijama za puteve u F BiH, pripada iznos od 3,9 % u odnosu na visinu predviđenih sredstava od čega, na osnovu Zakona o cestama u F BiH, JP Ceste F BiH pripada 40%.

Zakonom o izmjenama i dopunama Zakona o akcizama u Bosni i Hercegovini („Službeni glasnik BiH“, broj: 91/2017.), putarina je povećana na 0,25 KM/l, od čega 0,05 KM/l za druge puteve, a namijenjena je za izgradnju autoputeva i izgradnju i rekonstrukciju drugih puteva. Upravni odbor Uprave za indirektno oporezivanje usvojio je Odluku o privremenoj raspodjeli prihoda, kojom je utvrđeno da od ukupnih prihoda od putarine za izgradnju autoputeva i izgradnju i rekonstrukciju drugih puteva 10% ostaje na podračunu kod Centralne banke BiH i služi za poravnanje prihoda po utvrđivanju konačne metodologije raspodjele, a preostalih 90% prihoda podijeljeno je između entiteta

i Brčko Distrikta. U Federaciji BiH prihod se raspoređuje na osnovu Zakona o cestama F BiH, po kome JP Ceste F BiH pripada 40 % od dobijenih sredstava.

S obzirom na gore navedeno, JP Ceste Federacije BiH d.o.o. nema evidenciju uplata akciza po kantonima i takvu vrstu odgovora možete dobiti od Uprave za indirektno oporezivanje.

Na prijedlog Federalnog ministarstva prometa i komunikacija, a od strane Vlade F BiH donesena je „Uredba o visini godišnje naknade za javne ceste koja se plaća pri registraciji motornih i priključnih vozila“, V broj: 202/2015, na osnovu koje se obračunava **naknada putarine za fizička i pravna lica** i to je drugi po redu najznačajniji prihod za JP Ceste Federacije d.o.o. na čiji se depozitni račun uplaćuje direktno od strane korisnika, te stoga i imamo uvid iz kojih kantona se uplaćuje. Ova vrsta naknade čini oko 25% ukupno prikupljenih javnih prihoda JP Ceste Federacije BiH d.o.o. Od ukupnog iznosa ove naknade, godišnje se iz **Unsko-sanskog kantona uplati približno 8,50%, Posavskog kantona 1,50%, Tuzlanskog kantona 22,25%, Zeničko-dobojskog kantona 16,85%, Bosansko-podrinjskog kantona 1%, Srednjobosanskog kantona 10,50%, Hercegovačko-neretvanskog kantona 9,90%, Zapadno-hercegovačkog kantona 6,20%, Kantona Sarajevo 20,60% i Kantona 10 2,70%.**

Od ukupno prikupljenih sredstava iz javnih prihoda, kreditnih sredstava međunarodnih finansijskih institucija, Budžeta Federacije BiH i sufinansiranja sa drugim nivoima vlasti, JP Ceste Federacije BiH d.o.o. financiraju investicije u cestovnu infrastrukturu oko 56%, rashode (redovno i zimsko održavanje cesta, troškovi poslovanja, SPI, rezervirana sredstva za rizike, rezervirana sredstva za sudske presude, troškovi konsultantskih usluga, kamate) 34% i otplatu glavnica po kreditima 10%.

Ukupna dužina magistralnih cesta u Federaciji iznosi 2.414 km, a kada je u pitanje ulaganje u cestovnu infrastrukturu, ono se odvija kroz redovno i zimsko održavanje, vanredno održavanje i investicije.

U **redovno održavanje** cesta uključeni su i radovi održavanja cesta i objekata u zimskim uslovima.

Vanredno održavanje cesta podrazumjeva izgradnju pješačkih staza, rekonstrukciju raskrsnica, rješavanje odvodnje, sanaciju "crnih tačaka", sanaciju oštećenih asfaltnih kolovoza, sanaciju klizišta, odrona, trupa ceste i škarpi, rasvjetu raskrsnica i tunela, semaforizaciju raskrsnica.

Investicije obuhvataju projekte koji se financiraju iz kredita (**Modernizacija cesta u FBiH**), budžeta i vlastitih sredstava, a uključuju: Izgradnju i rekonstrukciju cesta i cestovnih objekata (mostova i tunela), sanaciju cestovnih objekata – (projektiranje, radove, nadzor i troškovi eksproprijacije). **Program „Modernizacija cesta u FBiH“** prva je faza modernizacije cestovnog sektora u FBiH, a osnovni razvojni cilj Programa je modernizacija cesta i cestovnih objekata (mostovi, tuneli) duž prioriternih dionica na magistralnoj cestovnoj mreži, izgradnja obilaznica oko gradova, poboljšanje sigurnosti prometa, te jačanje kapaciteta za održivo upravljanje magistralnom cestovnom mrežom u FBiH. Program obuhvata više podprojekata koji se mogu podijeliti u dvije grupe i to:

- **I grupa** projekti izgradnje cestovnih dionica od strateškog značaja za FBiH/ BiH i izgradnje obilaznica oko gradova; i
- **II grupa** projekti rekonstrukcije/sanacije postojećih cesta i kolovozne konstrukcije, korekcija osovine, izgradnje trećih traka za spora vozila, rehabilitacije/ rekonstrukcije mostova i tunela, rehabilitacije/ rekonstrukcije crnih tačaka i opasnih mjesta i dr.

Program se najvećim dijelom finansira iz dugoročnih kredita međunarodnih razvojnih banaka, a dijelom i vlastitim sredstvima JP Ceste FBiH. Odobreni iznosi kredita za podršku Programu su sljedeći:

1. Europska investicijska banka (EIB), kredit op.br. 82137 – 50.00 mil. EUR
2. Svjetska banka (WB) -Međunarodna banka za obnovu i razvoj (IBRD), kredit op.br. 8640 – 58.00 mil. EUR

JP CESTE FEDERACIJE BIH

3. Europska banka za obnovu i razvoj (EBRD), kredit op.br. 47461– 65.00 mil. EUR

U narednoj tabeli dat je pregled ukupnih ulaganja po kantonima u magistralnu cestovnu infrastrukturu u Federaciji BiH u periodu od 2018-2022 godine:

KANTON	2018.		2019.		2020.		2021.		2022.	
USK	6.218.560	11,38%	10.511.364	10,95%	17.349.717	12,50%	12.013.753	10,38%	23.569.900	11,12%
PK	1.025.040	1,88%	2.323.137	2,42%	4.814.389	3,47%	1.898.777	1,64%	2.920.000	1,38%
TK	10.082.215	18,44%	12.113.769	12,62%	18.846.256	13,58%	12.241.125	10,58%	42.166.750	19,89%
ZDK	3.134.834	5,73%	14.887.542	15,51%	5.661.478	4,08%	7.528.815	6,51%	5.059.750	2,39%
BPK	1.372.076	2,51%	5.050.065	5,26%	2.923.494	2,11%	4.172.140	3,61%	5.152.000	2,43%
SBK	5.857.798	10,72%	8.108.380	8,45%	24.151.395	17,40%	12.375.525	10,70%	41.513.950	19,58%
HNK*	15.822.168	28,94%	30.997.546	32,29%	40.433.245	29,13%	44.497.390	38,46%	49.394.804	23,30%
ZHK	2.065.878	3,78%	2.158.421	2,25%	9.485.887	6,84%	5.980.975	5,17%	10.799.173	5,09%
KS	3.435.421	6,28%	4.738.243	4,94%	6.848.070	4,93%	4.059.430	3,51%	19.392.500	9,15%
K10	5.652.799	10,34%	5.101.536	5,31%	8.268.115	5,96%	10.935.723	9,45%	12.063.400	5,69%
UKUPNO	54.666.789	100,00%	95.990.003	100,00%	138.782.046	100,00%	115.703.653	100,00%	212.032.227	100,00%

*Zbog izgradnje magistralne ceste Neum-Stolac u periodu od 2018.-2020. god. i ukupne vrijednosti navedenog projekta od oko 96,5 mil. KM, ulaganja JP Ceste Federacije BiH d.o.o. u Hercegovačko-neretvanski kanton su procentualno iznosila značajno više nego u ostale kantone.

Dostaviti:

- Naslovu
- Sektoru ekonomsko – finansijskih poslova
- A/a

Direktor

Ljubo Pravdić, dipl.ing.građ.